



文化百科系列



李白文集

君不见黄河之水天上来奔流到海不复回

君不见高堂明镜悲白发朝如青丝暮成雪

人生得意须尽欢莫使金樽空对月

天生我材必有用千金散尽还复来

烹羊宰牛且为乐会须一饮三百杯

岑夫子丹丘生

将进酒

与君歌一曲请君为我侧耳听

钟鼓馔玉不足贵但使长醉不愿醒

古来圣贤皆寂寞惟有饮者留其名

陈王昔时宴平乐斗酒十千恣欢谑

主人何为言少钱径须沽取对君酌

五花马千金裘

呼儿将出换美酒与尔同销万古愁

王新龙 编著

李白文集 4

王新龙
编著



中国文联出版社



图书在版编目(CIP)数据

李白文集. 4/王新龙 编著. —北京:中国戏剧出版社,
2009. 8

· ISBN 978 - 7 - 104 - 03039 - 3

I. 李… II. 王… III. ①李白(701 ~ 762) - 文集
②古典文学 - 作品综合集 - 中国 - 唐代 IV. I214. 22

中国版本图书馆 CIP 数据核字(2009)第 139462 号

李白文集 4

策 划:魏志国

责任编辑:张月峰

责任出版:冯志强

出版发行:中国戏剧出版社

社 址:北京市海淀区紫竹院路 116 号嘉豪国际中心 A 座 10 层

邮政编码:100097

电 话:010 - 58930221 58930237 58930238

58930239 58930240 58930241 (发行部)

传 真:010 - 58930242 (发行部)

经 销:全国新华书店

印 刷:北京一鑫印务有限公司

开 本:710 × 1035mm 1/16

印 张:60

字 数:880 千

版 次:2009 年 8 月北京第 1 版第 1 次印刷

书 号:ISBN 978 - 7 - 104 - 03039 - 3

定 价:298.00 元(全 4 卷)

版权所有 违者必究

前言

李白(七零一——七六二),字太白,号青莲居士。祖籍陇西成纪(今甘肃天水附近),先世于隋末流徙西域,李白即生于中亚碎叶(今巴尔喀什湖南面的楚河流域,唐时属安西都户府管辖)。幼时随父迁居绵州昌隆(今四川江油)青莲乡。他的一生,绝大部分在漫游中度过。天宝元年(七四二),因道士吴筠的推荐,被召至长安,供奉翰林。文章风采,名动一时,颇为玄宗所赏识。后因不能见容于权贵,在京仅三年,就弃官而去,仍然继续他那飘荡四方的流浪生活。安史之乱发生的第二年,他感愤时艰,曾参加了永王李璘的幕府。不幸,永王与肃宗发生了争夺帝位的斗争,兵败之后,李白受牵累,流放夜郎(今贵州境内),途中遇赦。晚年漂泊东南一带,依当涂县令李阳冰,不久即病卒。李白的诗以抒情为主。屈原而后,他第一个真正能够广泛地从当时的民间文艺和秦、汉、魏以来的乐府民歌吸取其丰富营养,集中提高而形成他的独特风貌。他具有超异寻常的艺术天才和磅礴雄伟的艺术力量。一切可惊可喜、令人兴奋、发人深思的现象,无不尽归笔底。

后人曾如是评价李白:“酒入豪肠,七分酿成了月光,剩下的三分啸成剑气,秀口一吐就半个盛唐。”所言确实深刻。

目 录

表书其九首

为吴王谢责赴行在迟滞表	1
为宋中丞请都金陵表	3
为宋中丞自荐表	8
代寿山答孟少府移文书	9
上安州李长史书	13
与贾少公书	17
为赵宣城与杨右相书	18
与韩荆州书	20
上安州裴长史书	22

序二十首

暮春江夏送张祖监丞之东都序	28
奉饯十七翁二十四翁寻桃花源序	29
夏日陪司马武公与群贤宴姑熟亭序	30
江夏送林公上人游衡岳序	31
金陵与诸贤送权十一序	33
春於姑熟送赵四流炎方序	34
秋於敬亭送从弟嵩音端游庐山序	35
送黄钟之鄱阳谒张使君序	36
早春於江夏送蔡十还家云梦序	37
秋日於太原南栅饯阳曲王赞公贾少公石艾尹少公应举赴上都序	37
送戴十五归衡岳序	40
早夏於将军叔宅与诸昆季送傅八之江南序	41
冬日於龙门送从弟京兆参军令问之淮南覲省序	42
江夏送倩公归汉东序	42

钱李副使藏用移军广陵序	43
泽畔吟序	47
夏日诸从弟登沔州龙兴阁序	47
秋夜於安府送孟赞府兄还都序	48
春夜宴从弟桃花园序	49
冬夜於随州紫阳先生餐霞楼送烟子元演隐仙城山序	49

记颂赞其二十首

任城县厅壁记	51
赵公西候新亭颂	54
崇明寺佛顶尊胜陀罗尼幢颂	56
当涂李宰君画赞	63
金陵名僧公粉图慈亲赞	63
李居士赞	64
安吉崔少府翰画赞	64
宣城吴录事画赞	64
壁画苍鹰赞	65
方城张少公厅画师猛赞	65
羽林范将军画赞	66
金银泥画西方净土变相赞	66
江宁杨利物画赞	70
金乡薛少府厅画鹤赞	70
志公画赞	71
琴 赞	72
朱虚侯赞	72
观饮飞斩蛟龙图赞	73
地藏菩萨赞	73
鲁郡叶和尚赞	74

铭碑祭文其九首

化城寺大钟铭	76
天门山铭	80
溧阳濑水贞义女碑铭	80
天长节使鄂州刺史韦公德政碑	85

比千碑	93
武昌宰韩君去思颂碑	96
虞城县令李公去思颂碑	101
为窦氏小师祭瘞和尚文	104
为宋中丞祭九江文	106

诗文拾遗其五十七首

杂言用投丹阳知己兼奉宣慰判官	108
南陵五松山别句七	108
观鱼潭	108
自广平乘醉走马六十里至邯郸,登城楼览古书怀	109
月夜金陵怀古	110
金陵新亭	111
庭前晚开花	111
宣城长史弟昭赠余琴溪中双舞鹤,诗以言志	111
暖 酒	112
戏赠杜甫	112
寒女吟	113
会别离	113
初 月	113
雨后望月	113
对 雨	114
晓 晴	114
望夫石	114
冬日归旧山	114
邹衍谷	114
入清溪行山中	115
日出东南隅行	115
代佳人寄翁参枢先辈	115
送客归吴	115
送友生游峡中	115
送袁明府任长江	116
送史司马赴崔相公幕	116
战城南	116
胡无人行	116

鞠歌行	117
题许宣平庵壁	118
题峰顶寺	119
瀑布	119
断句	120
阳春曲	120
舍利佛	121
摩多楼子	121
春感	121
殷十一赠栗冈砚	121
普照寺	122
钓台	122
小桃源	123
题窦圜山	123
赠江油尉	123
清平乐令	123
清平乐三首	124
桂殿秋	124
连理枝	125
汉东紫阳先生碑铭	125
杂题	129

补 遗

上清宝鼎诗	132
白微时,募县小吏,人令卧内,尝驱牛经堂下,令妻怒,将加诸责,白亟以诗谢云	132
断句	132
断句	133
北斗延生经注解序	133

附 录

序志碑传十二首	134
草堂集序	134
李翰林集序	136

李翰林别集序	140
故翰林学士李君墓志	143
唐故翰林学士李君碣记	143
唐左拾遗翰林学士李公新墓碑宣歙池等州观察使范传正	144
翰林学士李公墓碑	149
旧唐书文苑列传	151
新唐书文艺列传	152
李太白文集后序	153

丛说二百二十则

年谱李太白年谱	177
外记一百九十四则	199

表书其九首

为吴王谢责赴行在迟滞表

《通鉴》：天宝十四载十二月，安禄山以张通晤为睢阳太守，与陈留长史杨朝宗将胡骑千余东略地，郡县官多望风降走，惟东平太守嗣吴王只、济南太守李随起兵拒之。郡县之不从贼者，皆依吴王为名。十五载二月，上以吴王只为霞昌太守、河南都知兵马使。三月戊辰，吴王只击谢元同，走之，拜陈留太守、河南节度使。五月，太常卿张洎荐夷陵太守号王巨有勇略，上徵吴王只为太仆卿，以巨为陈留谯郡太守、河南节度使。至德二载十一月，张镐率鲁炅、来填、吴王只、李嗣业、李奂五节度，徇河南、河东郡县，皆下之。其赴行在，疑在徽为太仆卿时事。《汉书》：徵谐行在所。颜师古曰：天子或在京师，或出巡狩，不可豫定，故言行在所耳。《三辅黄图》：行在所，天子以四海为家，不以京师宫室居处为常，则当乘车与以行天下，车与所至，奏事皆曰行在。《独断》：天子所在曰行在所。

《十六国春秋》：天子以四海为家，故行曰乘与，止曰行在。

臣某言：伏蒙圣恩，追赴行在，臣诚惶诚恐，顿首（缪本少二字）。〔一〕臣闻胡马矫首，〔二〕嘶北风以局顾；〔三〕越禽归飞，恋南枝而刷羽。〔四〕所以流波思其旧浦，〔五〕落叶坠於本根。〔六〕在物尚然，矧於臣子。

〔一〕《齐东野语》：今臣僚上表所称“诚惶诚恐”及“诚欢诚喜，顿首稽首”者，谓之“中谢”、“中贺”，自唐以来，其体如此。盖臣某以下，略叙数语，便入此句，然后敷陈其详。

〔二〕《古诗》：胡马依北风，越鸟巢南枝。《水经注》：胡马感北风之思，遂顿羈绝绊，拨首而驰。

晨发京城，食时至炖煌北塞外，长鸣而去。扬雄《甘泉赋》：仰矫首以高视兮。刘良注：矫，举也。

〔三〕潘岳《寡妇赋》：马悲鸣而局顾。刘良注：局顾，蜷局顾盼不前也。

〔四〕潘岳诗：徒怀越鸟志，眷恋想南枝。梁简文帝诗：街苔入浅水，刷羽向沙洲。

〔五〕张协诗：流波恋旧浦。

〔六〕张骏《东门行》：休否有终极，落叶思本茎。

臣位叨盘石，〔一〕辜负明时；〔二〕才阙总戎，〔三〕谬当强寇。弩拙有素，

〔四〕天实知之。伏惟陛下重组乾纲,〔五〕再清国步,〔六〕当作愍臣不逮,〔七〕赐臣生全。归见白日,死无遗恨。

〔一〕《韵会》:叨,滥也。《汉书》:高帝王子弟,地犬牙相制,所谓盘石之宗也。

〔二〕《韵会》:孤,负也。毛氏曰:孤负之孤,当作“孤”,俗作“辜”,非。

〔三〕《隋书》:总戎塞表,胡虏清尘。

〔四〕卢思道《孤鸿赋序》:才本弩拙,性实疏懒。

〔五〕范甯《穀梁传序》:周道衰陵,乾纲绝纽。疏曰:乾纲者,乾为阳,喻天子;坤为阴,喻诸侯。天子总统万物,若纲纪众纽,故曰乾纲。绝纽者,纽是连系之词,诸侯背叛,四海分崩,若纽之绝,故曰绝纽。

〔六〕《诗·大雅》:国步斯频。朱子注:步,犹运也。

〔七〕《广韵》:愍,怜也。欲,聪也。二字异义,世多以“愍”作“慙”,非是。

然臣年过耳顺,风瘵(音债)日加。〔一〕锋镝(音的)残骸,劣有馀喘。〔二〕虽决力上道,〔三〕而心与愿违。贵贪尺寸之程,转寺犬马之恋。〔四〕非有他故,以疾淹留。

〔一〕郭璞《尔雅注》:今江东呼病曰瘵。

〔二〕《广韵》:劣,弱也,少也。

〔三〕《陈书·高祖纪》:决力取之。

〔四〕曹植《上责躬应诏诗表》:不胜犬马恋主之情。

今大举天兵,扫除戎羯(音揭)。〔一〕所在邮驿,〔二〕征发交驰。臣逐便水行,难于陆进,瞻望丹阙,心魂若飞。惭坠履之还收,〔三〕喜遗簪之再御。〔四〕不胜涕恋屏(音并)营之至。〔五〕谨奉表以闻(缪本少“谨奉表以闻”五字)。

〔一〕《韵会》:羯本地名,上党武乡羯室也。晋匈奴别部居之,后因号胡戎为羯。



〔二〕《说文》:邮,境上行书舍也。驿,置骑也。一云步传为邮,马传为驿。

〔三〕《新书》:楚昭王与吴人战,楚军败,昭王走,而履决背而行,失之。行三十步,复旋取履。及至于随,左右问曰:“王何惜一蹠履乎?”昭王曰:“楚国虽贫,岂爱一蹠履哉,恶与偕出,勿与俱反也。”自是之后,楚国之

俗，无相弃者。

〔四〕《韩诗外传》：孔子出游少原之野，有妇人中泽而哭；其音甚哀。孔子使弟子问焉。曰：“夫子何哭之哀？”妇人曰：“向者刈蓍薪，亡吾蓍簪，吾是以哀也。”弟子曰：“刈蓍薪而亡蓍簪，有何悲焉？”妇人曰：“非伤亡簪也，盖不忘故也。”

〔五〕《广雅》：屏营，怔人忪也。《国语》：屏营傍惶於山林之中。《后汉书》：夙夜屏营，未知所立。盖言惶惧之意。后人表笺言激切屏营，正是此义。

为宋中丞请都金陵表

宋名若思，为御史中丞。

臣某言：臣诚惶诚恐，顿首顿首。臣闻社稷无常奉，〔一〕明者守之，君臣无定位，暗者失之。所以父作子述，重光叠辉。〔二〕天未绝晋，〔三〕人惟戴唐。以功德有厚薄，〔四〕运数有修短。功高而福祚长永，德薄而政教陵迟。〔五〕三后之姓，〔六〕於今为庶，非一朝也。

〔一〕《左传》：社稷无常奉，君臣无定位，自古已然。杜预注：奉之无常人，言惟德也。

〔二〕《书·顾命》：音君文王武王宣重光。

〔三〕《左传》：介之推曰：“献公之子九人，唯君在矣。惠、怀无亲，外内弃之。天未绝晋，必将有主，主晋祀者非君而谁？”

〔四〕《汉书·谷永传》：以功德有厚薄，期质有修短。

〔五〕《王嘉传》：纵心态欲，法度陵迟。颜师古注：陵迟，即陵夷也，言渐颓替也。《魏书》：政教陵迟，至於凋薄。

〔六〕《左传》：三后之姓，於今为庶，主所知也。杜预注：三后，虞、夏、商也。

伏惟陛下钦六圣之光训，拥千载之鸿休。〔一〕有国之本，〔二〕群生属望。粤自明两，〔三〕光岐之阳，〔四〕昔有周太王之兴，发迹於此，天启有类，岂人事欤？

〔一〕六圣，高祖、太宗、高宗、中宗、睿宗、玄宗也。《书·顾命》：用答扬文武之光训。孔安国传：用对扬圣祖文武之大教。《隋书》：鸿休永播，久而弥新。

〔二〕《北齐书》：太子国之根本。

〔三〕《周易》：明两作离，大人以继明照於四方。

〔四〕唐时岐州领天兴、岐山、扶风、麟游、普润、宝鸡、盩厔、号、郿九县，属开内道，去京师三百七十里。周太王迁国於岐山之下，即其地也。《鲁颂》云：后稷之孙，实惟太王，居岐之阳，实始剪商。天宝元年，改称扶风郡。肃宗即位於灵武，改称扶风为凤翔郡。二载，遂驻蹕於凤翔。其年十月，克复两京，始还长安。

皇朝百五十年，金革不作。逆胡窃号，剥乱中原。虽平嵩丘、填伊洛，〔一〕不足以掩宫城之骸骨；〔二〕决洪河、洒秦雍，〔三〕不足以荡犬羊之膻臊。〔四〕

毒浸区宇，〔五〕愤盈穹旻。此乃猛士奋剑之秋，谋臣运筹之日。〔六〕夫不拯横流，〔七〕何以彰圣德？不斩巨猾，〔八〕无以兴神功。十乱佐周而克昌，〔九〕四凶及虞而乃去。〔一〇〕去元凶者，〔二〕非陛下而谁？

〔一〕嵩丘，嵩山也，为河南巨镇。伊、洛二水，为河南巨川。见一卷《明堂赋》注。

〔二〕《唐书·地理志》：西京官城，长千四百四十步，广九百六十步，周四千八百六十步，其崇三丈有半。东都官城，长千六百二十步，广八百有五步，周四千九百二十一步，其崇四丈八尺。以象北辰藩卫，曰紫微城。《雍录》：唐都城三重，外一重名京城，内一重名皇城，又内一重名官城，亦名子城。

〔三〕洪河，黄河也。《西京赋》：带以洪河、泾、渭之川。唐之西京，古秦地，在《禹贡》为雍州之域，故曰秦雍。

〔四〕《周礼》：羊泠毛而毳，臄；犬赤股而臊，臊。《正义》云：依庖人职。注：臊，谓犬也；臄，谓羊也；泠毛，谓毛长也；毳，谓毛别聚结者，此羊肉必臄也。赤股者，股裹无毛，谓之赤股，非谓肉赤，而走又躁疾，犬有如此者，其肉必臊。郑康成《周礼注》：杜子春云：臊，犬膏；臄，羊脂也。

〔五〕张衡《东京赋》：区宇又宁。穹旻，天也。《尔雅疏》：李巡云：仰视天形，穹隆而高，其色苍苍，故曰穹苍。旻，闵也，言其以仁慈之恩，覆闵在下，则称旻天。今曰穹旻，盖变文称之。

〔六〕《汉书》：运筹帟幄之中，决胜千里之外。

〔七〕傅亮《修张良庙教》：夷项定汉，大拯横流。

〔八〕《东京赋》：巨猾间隙，穷弄神器。

〔九〕《书·泰誓》：予有乱臣十人，同心同德。《正义》云：乱，治也，谓我治理之臣，有十人也。《论语》引此，而孔子论之，有一妇人焉，则十人之中，其一是妇人，故先儒郑玄等皆以十人为文母、周公、太公、召公、毕公、荣公、太颠、閎夭、散宜生、南官适也。

〔一〇〕《左传》：音帝鸿氏有不才子，天下之民谓之浑敦；少皞氏有不才子，天下之民谓之穷奇；颛顼氏有不才子，天下之民谓之檮杌。此三族也，世济其凶，增其恶名。以至於尧，尧不能去。缙云氏有不才子，天下之民以比三凶，谓之饕餮。舜臣尧，宾於四门，流四凶族，投诸四裔，以御魑魅。

〔一一〕《宋书》：志臬元凶，少雪仇耻。

且道有兴废，代有中季。〔一〕汉当三十七，莽亦为灾；〔二〕赤伏再起，〔三〕丕业终光。〔四〕非陛下至神至圣，安能勃然中兴乎？

〔一〕《汉书·谷永传》：时世有中季，天道有盛衰。颜师古注：中，读为仲。

〔二〕《宋书》：汉元、成世，道士言讖者云，赤厄三七，三七，二百一十年，有外戚之篡；祚极三六，当有龙飞之秀，兴复祖宗。及莽篡汉，汉二百一十年矣。莽十八年而败，光武兴焉。

〔三〕赤伏，见九卷注。

〔四〕司马相如《封禅文》：天下之壮观，王者之丕业。

以臣料人事得失，敢献疑於陛下。〔一〕臣犹望愚夫千虑，或冀一得。〔二〕

〔一〕《列子》：北山愚公，其妻献疑。

〔二〕《汉书》：广武君曰：臣闻智者千虑，必有一失；愚者千虑，亦有一得。

何（当作“向”）者？贼臣杨国忠蔽塞天聪，〔一〕屠割黎庶；女弟席宠，〔二〕倾国弄权。〔三〕九土泉货，尽归其室。怨气上激，水旱荐臻；〔四〕重罹暴乱，百姓力屈。即欲平殄螫（音茅）戮，〔五〕恐难应期。且图万全之计，以成一举之策。

〔一〕《魏书》：树列朋党，蔽塞天聪。

〔二〕《旧唐书·杨国忠传》：太真妃即国忠从祖妹也。《书·毕命》：兹股庶士，席宠惟旧。孔安国传：居宠日久。《正义》云：席者，人之所处，故为居之义。

〔三〕《太真外传》：杨氏权倾天下，每有嘱请，台、省、府、县，若奉诏敕。四方奇货，童仆、驼马，日输其门。《潇湘录》：杨国忠权势渐高，四方奉贡珍宝，莫不先献之。豪富奢华，朝庭无敌。

〔四〕《适鉴》：天宝十三载，自去岁水旱相继，关中大饥。《诗·大雅》：饥谨荐臻。

〔五〕《左传》：率我螫贼，以来摇荡我边疆。杜预注：螫贼，食禾稼虫名。

今自河以北，为胡所凌；〔一〕自河之南，孤城四垒。〔二〕大盗蚕食，〔三〕割为洪沟；〔四〕宇宙嶮岨（繆本作“机”），〔五〕昭然可睹。

〔一〕凌，凌轹，谓践踏也。

〔二〕《礼记》：四郊多垒。郑康成注：垒，军壁也。

〔三〕《汉书》：稍蚕食六国。颜师古注：蚕食，谓渐吞灭之，如蚕食叶也。孔颖达《毛诗正义》：蚕食者，蚕之食桑，渐渐以食，使桑尽也。

〔四〕洪沟，即鸿沟，见十一卷注。

〔五〕岨岨，不安也，见三卷注。

臣伏见金陵旧都，地称天险。龙盘虎踞，〔一〕开扃自然。六代皇居，五福斯在。〔二〕雄图霸迹，〔三〕隐轸由存。〔四〕咽喉控带，紫错如绣。〔五〕天下衣冠士庶，避地东吴，永嘉南迁，〔六〕未盛於此。

〔一〕龙盘虎踞，见七卷注。

〔二〕《石林燕语》：太一有五福、大游、小游、四神、天一、地一、直符、君綦、臣綦、民綦，凡十神，皆天之贵神。而五福所临，无兵疫。《玉海》：说者谓太一贵神有十，而尊日五福。迁徙有常，率四十五岁而一易灵游所直之方，祥庆骈集，雨阳时叙，农扈屡丰，民物阜康，无或疵疠。

〔三〕《晋书》：武略雄图，比踪前烈。

〔四〕谢灵运诗：隐轸邑里密，缅邈江海遼。

〔五〕《史记》：秦、韩之地形，相错如绣。

〔六〕《宋书》：晋永嘉大乱，幽、冀、青、并、兖州及徐州之淮北，流民相率过淮，亦有过江在晋陵郡界者。

臣又闻汤及盘庚，五迁其邑，〔一〕典谟训诰，不以为非；卫文徙居楚丘，〔二〕风人流咏。

〔一〕《尚书序》：盘庚五迁，将治亳，股民咨胥怨，作《盘庚》三篇。孔安国传：自汤至盘庚，凡五迁都。《史记》：帝盘庚之时，殷已都河北，盘庚渡河南，复居成汤之故居，乃五迁，无定处，股民咨胥皆怨，不欲徙。盘庚乃告谕诸侯大臣。《正义》：曰：汤自南亳迁西亳，仲丁迁敖，河亶甲居相，祖乙居耿，盘庚渡河南居西亳，是五迁也。

〔二〕《毛诗传》：定之方中，美卫文公也。卫为狄所灭，东徙渡河，野处漕邑。齐桓公攘夷狄而封之，文公徙居楚丘，始建城市，营宫室，得其时制，百姓悦之，国家殷富焉。

伏惟陛下因万人之荡析，〔一〕乘六合之涛（音舟）张，〔二〕去扶风万有一危之近邦，就金陵太山必安之成策。苟利於物，断在宸衷。

〔一〕《书·盘庚》：今我民用荡析离居。

〔二〕《书·无逸》：无或胥涛张为幻。孔安国传：涛张，诳也。刘琨《答卢谡书》：自顷聃张，困於逆乱。李善注：修张，惊惧之貌。旧说“涛”“涛”通用，是太白所用涛张字，当作惊惧解。

况齿革羽毛之所生，榱（音胼）楠豫章之所出。〔一〕元龟大贝，〔二〕充仞其中；〔三〕银坑铁冶，〔四〕连绵相属。铲（音产）铜陵为金穴，〔五〕煮海水为盐山。〔六〕以征则兵强，以守则国富。横制八极，克复两京，俗畜来苏之欢，人多僖后之望。〔七〕

〔一〕《禹贡》：扬州厥贡齿、革、羽、毛、惟木。孔安国传：齿，象牙；革，犀皮；羽，鸟羽；毛，旄牛尾；木，榱、梓、豫章。《正义》曰：榱、梓、豫章，此三者，是扬州美木，故传举以言之。所贡之木，不显於此。

〔二〕《大禹谟》：昆命於元龟。《正义》曰：元龟，谓大龟也。《白虎通》：江出大贝，海出明珠。《尚书正义》：伏生《书传》云：散宜生之江淮，取大贝如大车之渠。

〔三〕《子虚赋》：充仞其中者，不可胜纪。

〔四〕《唐书·地理志》：扬州广陵郡有丹阳监、广陵监钱官二，江都县有铜，六合县有铜、有铁，海陵县有盐官，天长县有铜，升州江宁郡上元县有铜、有铁，句容县有铜，溧水县有铜，溧阳县有铜、有铁。

〔五〕剗，削也。铜陵，出铜之山。金穴，藏金之窟。

〔六〕《汉书》：采山铜以为钱，煮海水以为盐。

〔七〕《书·仲虺之诰》：攸徂之民，室家相庆曰：“僖我后，后来其苏。”僖，待

也。后，君也。苏，复生也。

陛下西以峨嵋为壁垒，
〔一〕东以沧海为沟池，守海陵之仓，猎长洲之苑。〔二〕虽上林五柞（音昨），〔三〕复何加焉？

〔一〕峨嵋山，见三卷注。

〔二〕《汉书·枚乘传》：转粟西向，陆行不绝，水行满河，不如海陵之仓。修治上



林，杂以离宫，积聚玩好，圈守禽兽，不如长洲之苑。晋灼曰：海陵，海中山为仓也。臣瓚曰：海陵，县名也，有吴太仓。服虔曰：长洲，吴苑。孟康曰：以江水洲为苑也。韦昭曰：长洲在吴东。《太平寰宇记》：海陵仓，即汉吴王濞之仓也。枚乘上书曰：转粟西向，水行满河，不如海陵之仓。谓海渚之陵，因以为仓，今已堙灭。长洲苑在苏州长洲县西南七十里。《艺文类聚》：《吴地记》曰：长洲，在姑苏南，太湖北岸，阖闾所狩猎处也。吴先主使徐详至魏，魏太祖谓详曰：“孤愿越横江之津，与孙将军游姑苏之上，猎长洲之苑，吾志足矣。”

〔三〕上林苑、五柞宫，俱见一卷《大猎赋》注。

上皇居天帝运昌之都，〔一〕储（音除）精真一之境。〔二〕有虞则北闭剑阁，〔三〕南扃（涓荧切，音駟）瞿塘，〔四〕蚩尤共工，五兵莫向，〔五〕二圣高枕，何忧哉？飞章问安，往复巴峡，朝发白帝，暮宿江陵，〔六〕首尾相应，率然之举。〔七〕

〔一〕左思《蜀都赋》：远则岷山之精，上为井络，天帝运期而会昌。刘渊林注：《河图括地象》曰：岷山之地，上为井络，帝以会昌，神以建福，上为天井。昌，庆也。言天帝於此会庆建福也。

〔二〕《甘泉赋》：储精垂恩。李善注：储精，储蓄精诚也。罗苹《路史注》：《三皇经》云：皇人者，泰帝之所使，在峨眉山。黄帝往受真一五牙之法。杨谷《授道记》云：黄帝见天皇真一之经而不决，遂周流四方，谒皇人於峨眉，而问真一之道。其言大率论水火绛宫大渊之事云。

〔三〕剑阁，见三卷《蜀道难》注。

〔四〕瞿塘，见四卷《长干行》注。《说文》：扃，外闭之关也。

〔五〕《述异记》：轩辕之初立也，有蚩尤氏，兄弟七十二人，铜头铁额，食铁石。轩辕诛之於涿鹿之野，蚩尤能作云雾。涿鹿，今在冀州，有蚩尤神，俗云人身牛蹄，四目六手。今冀州人掘地得髑髅，如钢铁者，即蚩尤之骨也。秦、汉间说蚩尤氏耳鬓如剑戟，头有角，与轩辕鬪，以角触人，人不能向。罗苹《路史注》：《世本》云：蚩尤作五兵，戈、矛、戟、会矛、夷矛。黄帝诛之涿鹿之野。《淮南

子》：音其工之力，触不周之山，使地东南倾。与高辛争为帝，遂潜於渊，宗族残灭，继嗣绝祀。《文献通考》：女娲末年，其工氏任智刑以强，霸而不王。与祝融战，不胜，怒触不周山以死。

〔六〕朝发白帝，暮宿江陵，详见二十卷《早发白帝城》诗注。

〔七〕《礼记正义》：《兵书》云：善用兵者，似率然。率然者，常山蛇也。击其首则尾至，击其尾则首至，击其中则首尾俱至。

不胜屏营瞻云望日之至。〔一〕谨先奉表陈情以闻（“谨先”以下八字缪本缺）。

〔一〕《晋书·张轨传》：瞻云望日，孤愤义伤。

为宋中丞自荐表

臣某闻，天地闭而贤人隐。〔一〕云雷电而君子用。〔二〕

〔一〕《周易》：天地闭，贤人隐。孔颖达《正义》：谓二气不相交通，天地否闭，贤人潜隐。

〔二〕又《周易》：云雷屯，君子以经纶。王弼注：君子经纶之时也。

臣伏见前翰林供奉李白，年五十有七。天宝初，五府交辟，〔一〕不求闻达，〔二〕亦由子真谷口，名动京师。〔三〕上皇闻而悦之，召入禁掖。〔四〕既润色於鸿业，〔五〕或间草（郭本作“进”）於王言，雍容揄扬，特见褒赏。为贱臣诈诡，遂放归山。闲居制作，言盈数万。属逆胡暴乱，避地庐山，遇永王东巡胁行，中道奔走，却至彭泽。具已陈首。前后经宣慰大使崔涣及臣推覆清雪，〔六〕寻经奏闻。

〔一〕《后汉书·张楷传》：五府连辟，举贤良方正，不就。章怀太子注：五府，太傅、太尉、司徒、司空、大将军也。

〔二〕《三国志》：诸葛亮遭汉末扰乱，随叔父玄避难荆州，躬耕於野，不求闻达。

〔三〕《华阳国志》：郑子真，褒中人也。玄静守道，履至德之行，乃其人也。教曰，忠孝爱敬，天下之至行也；神中五徵，帝王之要道也。成帝元舅大将军王凤备礼聘之，不应。家谷口，世号谷口子真。《汉书》：谷口郑子真，不诎其志，耕於岩石之下，名震於京师。

〔四〕颜师古《汉书注》：掖门，非正门，而在两旁，若人之臂掖也。《雍录》：《御览》曰：出禁省为殿门，外出大道为掖门。禁掖者，谓禁中之掖门也。

〔五〕班固《两都赋序》：以兴废继绝，润色鸿业。李善注：言能发起遗文，以光赞大业也。

〔六〕《唐书·宰相表》：至德元载七月庚午，蜀郡太守崔涣为门下侍郎、同中书门下平章事。十一月戊午，涣为江南宣慰使。

臣闻古之诸侯进贤受上赏，蔽贤受明（郭本作“显”）戮。若三适（郭本作